



Ovaj projekat finansira Evropska Unija  
This project financed by the European Union

**Projekat „Uspostavljanjem održivih modela saradnje i koordinacije – do efikasnijeg sistema zaštite i oporavka zajednica pogodjenih poplavama“**

# **SMJERNICE ZA PODNOŠENJE PRIJAVE**

**NA JAVNI POZIV I IZRAŽAVANJE INTERESA  
ZA UČEŠĆE U PROGRAMU ZA OBUKU POTENCIJALNIH KANDIDATA/KANDIDATKINJA I  
DODJELU MATERIJALNE POMOĆI ZA REVITALIZACIJU PRIVREDNIH AKTIVNOSTI  
U OPŠTINAMA ŠAMAC, VUKOSAVLJE I DOMALJEVAC-ŠAMAC  
- OPORAVAK OD POPLAVA OD 2014. GODINE -**

Modriča, 6. jun 2017. godine



## 1. Opšte informacije

Projekat „**Uspostavljanjem održivih modela saradnje i koordinacije – do efikasnijeg sistema zaštite i oporavka zajednica pogodjenih poplavama**“ finansira Evropska unija (EU), a provodi Udruženje građana „Budućnost“ iz Modriče u opštinama Šamac, Vukosavlje i Domaljevac-Šamac.

Projekat ima za cilj *Unapređenje saradnje i koordinacije organa vlasti, institucija i civilnog sektora u procesu izgradnje zajednica otpornih na katastrofe, doprinosi smanjenju rizika i posljedica, povećanju bezbjednosti građana i održivom razvoju lokalnih zajednica pogođenih poplavama.*

Fokus ovog projekta je na stvaranju boljeg ambijenta za život građana u lokalnim zajednicama pogođenim poplavama. Cijeli projekat se naslanja na participativni proces sa građanima, koji su pretrpjeli materijalne i duševne gubitke tokom poplava.

U okviru projekta će se realizovati aktivnosti kroz pet komponenti, kojim se očekuje ostvarenje sledećih rezultata: uspostaviće se održivi modeli saradnje u lokalnim zajednicama; 60 profesionalaca/ki iz institucija iz sve tri lokalne zajednice će steći nova znanja, sposobnosti i vještine kojim će moći efikasnije da reaguju u slučaju rizika od poplave; izradiće se Analiza rizika od poplava i Standardne operativne procedure u slučaju poplava, koje će biti usvojene na sjednicama skupština opština, a koje će doprinijeti stvaranju zajednica “otpornih na poplave”; povećaće se svijest građana i 2.000 učenika u osnovnim školama o načinu reagovanja u kriznim situacijama izazvanim prirodnim nepogodama; minimalno 60 porodica ili firmi pogođenih poplavom će biti edukovano za razvijanje biznisa, a nakon toga će biti odabrano 30 biznis planova kroz proces odabira najboljih ideja, kojim će se nabaviti osnovna sredstava ili oprema za pokretanje ekonomskih aktivnosti; minimalno 400 učenika srednjih škola će učestvovati u akcijama čišćenja kanala i zasada zelenila čime će se dati podrška oporavku okoliša; opremiće se i urediti zdravstvene ambulante u tri mjesne zajednice, kojim će se građanima obezbijediti efikasniji pristup zdravstvenim ustanovama.

## 2. Ciljevi javnog poziva

Ovim javnim pozivom se pozivaju sva fizička lica sa područja opština Šamac, Vukosavlje i Domaljevac-Šamac da podnesu prijavu za učešće u programu za obuku i dodjelu materijalne pomoći za revitalizaciju privrednih aktivnosti.

**Ciljna grupa:** Na javni poziv se mogu prijaviti fizička lica<sup>1</sup> koji ispunjavaju neophodne uslove navedene u sekciji 4. *Kriteriji za prijavu.*

## 3. Opis planirane podrške

U okviru ovog javnog poziva, podnosiocima prijava će biti na raspolaganju sljedeći paket podrške:

1. Trodnevna obuka za 60 kandidata/kandidatkinja koji ispunjavaju uslove iz sekcije 3. Kriteriji za prijavu;
2. Bespovratna finansijska podrška za realizaciju do 30 najbolje ocijenjenih biznis planova;

---

<sup>1</sup> Termini navedeni u ovom pozivu kao što su lice, podnosilac, član, korisnik i sl. su rodno neutralni i odnose se na pripadnike oba pola.



Navedeni program će biti implementiran kroz dvije glavne aktivnosti:

### 1. Trodnevna obuka za kandidate/kandidatkinje

Trodnevna obuka za 60 kandidata/kandidatkinja će obuhvatiti ključne tematske module za pokretanje i vođenje biznisa, uključujući preduzetničke kompetencije, generisanje poslovnih ideja, marketinšku strategiju, proizvodne planove, finansijsku analizu, izradu biznis plana, registraciju preduzeća i sl. Od odabranih učesnika/ca programa se očekuje da po njegovom završetku imaju kompletirane biznis planove za svoje poslovne ideje sa kojima će konkurisati za dodjelu bespovratnih sredstava podrške za pokretanje vlastitog biznisa. Tačne lokacije održavanja treninga će se definisati nakon završenog procesa odabira i izrade konačne liste učesnika/ca.

### 2. Dodjela bespovratnih finansijskih sredstava podrške najbolje ocijenjenim biznis planovima od strane projekta

U ovoj fazi će se izvršiti komisijska evaluacija izvodljivosti i kvaliteta biznis planova koji će biti završeni u prvoj fazi. Okvirno je planirano da do 30 najboljih biznis planova bude podržano od strane projekta kroz dodjelu bespovratnih finansijskih sredstava vodeći računa o rodnom balansu<sup>2</sup> u pojedinačnom iznosu najviše do 4.500 KM u zavisnosti od planirane djelatnosti i samog biznis plana. Bespovratna sredstva će se dodijeliti isključivo za nabavke osnovnih sredstava i opreme. Korisnici/ce granta su u obavezi da sufinansiraju 10% vrijednosti odobrenog biznis plana.

Detaljan prikaz prihvatljivih i neprihvatljivih troškova je, kako slijedi:

#### Prihvatljivi troškovi

- Troškovi nabavke proizvodnih osnovnih sredstava i opreme (npr. platenika, košnica za pčele, motokultivatora, i sl.).
- Troškovi nabavke sadnog materijala, alata i slično u skladu sa biznis planom

#### Neprihvatljivi troškovi

- Svi troškovi koji su nastali u periodu prije potpisivanja ugovora spadaju u kategoriju neprihvatljivih troškova.
- Bespovratna sredstva podrške će biti dodijeljena najuspješnijim polaznicima na bazi kompetitivnog procesa odabira i stručne procjene izvodljivosti, kvaliteta i opravdanosti poslovnih ideja. Samo učešće u ovom programu ne podrazumijeva automatsku dodjelu bespovratnih sredstava.
- Neprihvatljiva je nabavka polovnih/korištenih mašina i opreme
- Djelatnosti koje neće biti podržane kroz ovaj javni poziv uključuju ugostiteljsku i trgovačku djelatnost, proizvodnju duvana i duvanskih proizvoda, proizvodnju alkohola i pića, proizvodnju oružja te proizvodnju i promet proizvoda i usluga koji nisu dozvoljeni po BiH zakonima i propisima.

#### Nepotpune prijave se neće uzimati u razmatranje.

---

<sup>2</sup> Minimalno 30% biznis planova će biti dodijeljeno ženama



#### 4. Kriteriji za prijavu

Po osnovu ovog javnog poziva prijaviti se mogu fizička lica koja ispunjavaju **sljedeće osnovne kriterije**:

- Podnosilac prijave mora imati prebivalište na teritoriji navedenih jedinica lokalne samouprave;
- Podnosilac prijave treba imati kvalitetnu poslovnu ideju i želju da se bavi vlastitim biznisom;
- Podnosilac prijave ili član njegovog domaćinstva ima u posjedu zemljište (ukoliko se poslovna ideja odnosi na poljoprivredu);
- Podnosilac prijave do datuma podnošenja prijave nije koristio bespovratna sredstva iz drugih donatorskih izvora u svrhu revitalizacije privrednih aktivnosti nakon poplava 2014. godine;
- Podnosilac prijave ima status nezaposlene osobe i nalazi se na evidenciji nadležnog biroa za zapošljavanje;
- Ispravno popunjena i potpisana prijava o učešću podnosioca u Start-up programu te popunjena i potpisana izjava o učešću u Start-up programu.

**Dodatni kriteriji (ovi kriteriji nisu eliminatorni te će se posebno bodovati):**

- Podnosilac je pretrpio/la materijalnu štetu od poplava tokom maja 2014. godine;
- Podnosilac prijave živi u domaćinstvu koje ima 4 ili više članova domaćinstva;
- Podnosilac živi u domaćinstvu u kojem su svi članovi nezaposleni, odnosno u kojem samo jedan član ima zaposlenje (zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa);
- Podnosilac je samohrani roditelj;
- Podnosilac prijave je osoba mlađa od 30 godina starosti;
- Podnosilac ima status osobe sa invaliditetom ili posebnim potrebama;
- Podnosilac prijave dolazi iz reda Romske populacije;
- Podnosilac prijave je žena.

Ukoliko je ukupan broj potencijalnih korisnika koji ispunjavaju navedene uslove veći od broja korisnika koji mogu biti podržani, prednost će se davati korisnicima koji ispunjavaju veći broj dodatnih kriterija.

#### 5. Smjernice za prijavu i potrebna prateća dokumentacija

- a) Nakon što se objavi poziv za podnošenje prijava, sva zainteresirana fizička lica nastanjena na području odabranih jedinica lokalne samouprave i ispunjavaju osnovne kriterije, mogu preuzeti odgovarajuće obrasce za prijave u opštinama u kojoj žive, sa web stranica opština ili UG „Budućnost“ [www.buducnost-md.com](http://www.buducnost-md.com)
- b) Fizička lica koja ispunjavaju uslove se pozivaju da dostave prijave, uključujući i svu potrebnu prateću dokumentaciju koja je navedena u nastavku, najkasnije do **20.06.2017. godine do 15:00 sati**. Aplikacije se mogu dostaviti putem preporučene pošte, kurirske pošte ili lično u kancelariji Udruženja građana „Budućnost“ Modriča.

**ADRESA: Udruženje građana „Budućnost“, ul. Živojina Mišića 4a, 74480 Modriča**



Ovaj projekat finansira Evropska Unija  
This project financed by the European Union

Dokaz da je aplikacija dostavljena u roku predstavlja datum na otpremnici, poštanski žig ili priznanica.

**Sve prijave koje se dostavljaju po osnovu ovog javnog poziva moraju biti predate u zatvorenoj koverti naslovljene na UDRUŽENJE GRAĐANA „BUDUĆNOST“ MODRIČA sa naznakom „PROJEKAT PODRŠKE OPORAVKU OD POPLAVA – JAVNI POZIV ZA UČEŠĆE U PROGRAMU REVITALIZACIJE PRIVREDNIH AKTIVNOSTI“.**

- c) Za sve dodatne informacije i pojašnjenja tokom perioda podnošenja prijava, podnosioci zahtjeva mogu direktno uputiti pitanja, upite i zahtjeve putem telefona 053 820 700 ili e-mailom [gocalg@gmail.com](mailto:gocalg@gmail.com)
- d) Obrasci sa nepotpunim podacima će biti odbijeni.
- e) Prijave koje ne sadrže potrebnu prateću dokumentaciju se neće razmatrati.

**Pored ispravno popunjenog i potpisanog obrasca za prijavu za učešće u programu ZA DODJELU MATERIJALNE POMOĆI ZA REVITALIZACIJU PRIVREDNIH AKTIVNOSTI (str. 10-14) i izjave o saglasnosti (str. 15), fizička lica koja se prijavljuju za učešće trebaju dostaviti prateću dokumentaciju, koja je navedena u nastavku.**

### **Popis prateće dokumentacije**

#### **1. Obavezna dokumentacija:**

- Kopija lične karte- obična kopija, ne mora biti ovjerena;
- CIPS prijava (ne starija od 30 dana)- original ili ovjerena fotokopija;
- Kućna lista za domaćinstvo podnosioca prijave sa datumom izdavanja iz perioda trajanja javnog poziva- original ili ovjerena kopija;
- Kopija Posjedovnog lista o katastarskom posjedu na ime podnosioca prijave ili člana njegovog domaćinstva ukoliko se biznis ideja odnosi na poljoprivredne aktivnosti (ukoliko podnosilac zahtjeva koristi tuđu imovinu potrebno je dostaviti dokaz da ima saglasnost za korištenje);
- Potvrda sa nadležnog biroa za zapošljavanje da podnosilac prijave ima status nezaposlene osobe ne starija od 30 dana- original ili ovjerena kopija;
- Potvrda sa nadležnog biroa za zapošljavanje za sve nezaposlene punoljetne članove domaćinstva ne starija od 30 dana- original ili ovjerena kopija;

#### **2. Dodatna dokumentacija**

- Potvrda/prijava o pretrpljenoj materijalnoj šteti – općina/opština ili druga nadležna institucija (podnosi se ukoliko je podnosilac pretrpio štetu tokom poplava u maju 2014. godine)- obična kopija, ne mora biti ovjerena;
- Ukoliko je osoba koja aplicira samohrani roditelj potrebno dostaviti sljedeće dokumente: Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece)- obična kopija, ne mora biti ovjerena;
- Potvrda o statusu osobe sa invaliditetom ili posebnim potrebama (samo ukoliko je osoba koja podnosi prijavu osoba sa invaliditetom ili posebnim potrebama)- obična kopija, ne mora biti ovjerena.



## 6. Proces odabira

Izbor korisnika pomoći po osnovu ovog javnog poziva će vršiti Komisija za odabir, imenovana od strane Upravnog odbora projekta.

Komisija će razmatrati prijave u skladu sa odredbama ovog javnog poziva. Rezultati o izboru korisnika projekta biće objavljeni na web stranicama opština/općina i web stranici UG „Budućnost“: <http://www.buducnost-md.com>

Izbor korisnika će se odvijati u dvije glavne faze, uključujući:

### **Prva faza: Usklađenost i evaluacija prijava po kriterijima iz javnog poziva**

- Komisija za odabir provodi pregled prijava i pregled usklađenosti prijave s administrativnim zahtjevima;
  - Provjera da li su ispunjeni svi osnovni kriteriji;
  - Provjera da li je dostavljena sva potrebna dokumentacija.

### **Druga faza: Izrada konačne liste odabranih korisnika za učešće u trodnevnim obukama**

- Komisija za odabir će na osnovu dostavljenog projektnog prijedloga i raspoloživih informacija izvršiti vrednovanje i bodovanje pristiglih prijava te napraviti konačnu rang listu odabranih korisnika/ca koji će učestvovati u trodnevnoj obuci.

### **Dodjela bespovratne pomoći za osnivanje preduzeća**

Po završetku trodnevne obuke, Komisija za odabir će na osnovu izrađenih biznis planova izvršiti njihovo vrednovanje i bodovanje, sa posebnim fokusom na tržišni potencijal i realizaciju poslovne ideje, kompetencije podnosioca i inovativnost proizvoda/usluge. Shodno tome, Komisija će odabrati do 30 najboljih poslovnih ideja koje će biti nagrađene kroz grant sredstva u iznosu do 4.500,00 KM.

**VAŽNO:** U slučaju da se kroz proces evaluacije i verifikacije podataka iz prijava dođe do saznanja o lažnom predstavljanju i davanju netačnih informacija, podnosilac prijave će po automatizmu biti isključen iz projekta.

## 7. Evaluacija

Kako je i prikazano u sekciji 5. Proces odabira, sve dostavljene prijave po osnovu ovog javnog poziva će se ocjenjivati u dvije faze od strane Komisije za odabir, u skladu sa dole propisanim kriterijima, pri čemu je svaka faza eliminatorna. Važno je napomenuti da će se faza odabira najboljih poslovnih ideja i dodjele grant sredstava realizovati u zavisnosti od vremenske dinamike implementacije trening programa i podnošenja biznis planova.

### **KORAK 1. OTVARANJE PRISTIGLIH PRIJAVA, PROVJERA ISPUNJENOSTI OSNOVNIH KVALIFIKACIONIH I ADMINISTRATIVNIH ZAHTJEVA I KRITERIJA**

U sklopu prve faze, po prijemu i otvaranju prijava, ocjenjuju se sljedeći elementi:

- Da li je prijava dostavljena u utvrđenom roku. Ukoliko nije, ista se automatski odbija.
- Da li prijava ispunjava sve **osnovne kvalifikacione i administrativne kriterije** navedene u listi ispod. Ukoliko ne zadovoljava i ukoliko je odgovor na jedno od pitanja u tabeli ispod „NE“, prijava neće biti dalje razmatrana.



Ovaj projekat finansira Evropska Unija  
This project financed by the European Union

ISPUNJENOST OSNOVNIH KVALIFIKACIONIH KRITERIJA			
Provjera ispunjenosti osnovnih kvalifikacionih kriterija		DA	NE
Podnosilac prijave ima prebivalište na teritoriji navedenih jedinica lokalne samouprave			
Podnosilac prijave ima kvalitetnu poslovnu ideju i želi da se bavi vlastitim biznisom			
Podnosilac prijave do datuma podnošenja prijave nije koristio bespovratna sredstva iz drugih donatorskih izvora u svrhu oporavka od poplava iz 2014. godine samozapošljavanja i/ili pokretanja biznisa			
Podnosilac prijave ima status nezaposlene osobe i nalazi se na evidenciji nadležnog biroa za zapošljavanje			
Ispravno popunjena i potpisana prijava o učešću korisnika u Start-up programu te popunjena i potpisana izjava o učešću u Start-up programu			
ISPUNJENOST ADMINISTRATIVNIH ZAHTJEVA I KRITERIJA			
Provjera ispunjenosti osnovnih administrativnih kriterija i dostavljene obavezne dokumentacije:		DA	NE
Kopija lične karte			
CIPS prijava			
Kućna lista za domaćinstvo podnosioca prijave sa datumom izdavanja iz perioda trajanja javnog poziva			
Potvrda sa nadležnog biroa za zapošljavanje da podnosilac prijave ima status nezaposlene osobe, ne starija od 30 dana, ili Potvrda o registraciji djelatnosti			
Potvrda sa nadležnog biroa za zapošljavanje za sve nezaposlene članove domaćinstva ne starija od 30 dana			

Takođe, u ovoj fazi će se izvršiti provjera ispunjenosti dodatnih kriterija i dostavljene dodatne dokumentacije. **Dodatni kriteriji nisu eliminatorni i njihovo neispunjavanje ili djelimično ispunjavanje neće diskvalifikovati podnosioca iz procesa evaluacije.** Lista ispunjenosti dodatnih kriterija i pripadajuće dokumentacije je kako slijedi:

Dodatna dokumentacija:		DA	NE
Potvrda/prijava o pretrpljenoj materijalnoj šteti 2014. godine			
Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece)			
Potvrda o statusu osobe sa invaliditetom ili posebnim potrebama			



## **KORAK 2. VREDNOVANJE I BODOVANJE PRISTIGLIH PRIJAVA**

### **Evalucijska ljestvica**

<b>Dodatni kriteriji</b>	<b>Maksimalan broj bodova</b>
Podnosilac prijave je osoba mlađa od 30 godina starosti	10
Podnosilac prijave je žena	10
Podnosilac živi u višečlanom domaćinstvu: a) Domaćinstvo od 7 i više članova-10 bodova b) Domaćinstvo od 5-6 članova-7 bodova c) Domaćinstvo do 4 i manje članova-5 bodova	10
Podnosilac prijave je pretrpio materijalnu štetu u poplavama 2014. godine	5
Podnosilac prijave je samohrani roditelj	10
Podnosilac živi u domaćinstvu u kojem su svi članovi nezaposleni. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa:  a) Svi članovi nezaposleni-10 bodova b) 1 član zaposlen-5 bodova c) 2 i više članova zaposleno-0 bodova	10
Kvalitet prezentirane poslovne ideje: a) Ideja je vrlo kvalitetna i jasno prezentirana te je budžet popraćen narativnim opisom i objašnjenjem - od 26 do 40 bodova; b) Ideja je kvalitetna i dobro prezentirana te je budžet djelimično popraćen narativnim opisom i objašnjenjem - od 11 do 25 bodova; c) Ideja nije zadovoljavajućeg kvaliteta i nije adekvatno prezentirana, budžet je nejasan-od 1 do 10 bodova; d) Ideja je vrlo loša i loše prezentirana bez objašnjenja i budžeta - 0 bodova.	40
Podnosilac prijave dolazi iz reda Romske populacije	5
<b>Ukupan broj bodova:</b>	<b>100</b>

Komisija za odabir neće uzeti u razmatranje prijave koje imaju manje od 50 bodova. Nakon ocjenjivanja prijedloga u skladu sa gore navedenim kriterijima, definišaće se preliminarna rang lista u skladu sa ostvarenim brojem bodova. Nakon toga, u sklopu druge faze procesa selekcije će se izvršiti procjena tačnosti informacija navedenih u obrascu za prijavu i izraditi konačna lista odabranih korisnika za učešće u programu obuke.





Ovaj projekat finansira Evropska Unija  
This project financed by the European Union

## 8. Indikativni vremenski okvir

Predviđeni indikativni vremenski okvir za provedbu procesa odabira je slijedeći:

AKTIVNOST	DATUM
Objava poziva	06.06.2017
Rok za podnošenje prijava	20.06.2017
Obavijest o konačnim rezultatima poziva	25.06.2017
Obuka kandidata/kandidatkinja	U periodu od 28.06.-10.07.2017.
Rok za podnošenje biznis planova	20.07.2017.
Obavijest o odabranim biznis planovima	30.07.2017.
Početak implementacije Start-up programa	U periodu 01.09.-15.10.2017.